

Miorer la comunicazion de la mendranzes

Te na scontrèda te Comun general a Poza enstadi l'assessor regionèl Luigi Chiocchetti, l'à metù al luster la intenzions per sie mandat



L'assessor regionèl Luigi Chiocchetti coi rapresentanc de la istituzions de Fascia.

Politica - Enstadi te Comun general de Fascia l'assessor regionèl Luigi Chiocchetti a chiamà ite i rapresentanc de la maor istituzions de Fascia per portèr dant la linies guida olache se vel lurèr e spenjer chiò te val. Dò esser stat stroz per l'autra mendranzes del Trentin, Luigi Chiocchetti, l'é ruà ence te Fascia e lse à binà con la Procuradora Cristina Donei, l'President del Consei general Cesare Bernard e l'assessor a la cultura del Comun general Renzo Valentini, la Sorastanta de la Scuola de Fascia Mirella Florian, l'President de l'Istitut cultural Ladin Antone Pollam e l'President de l'Union di Ladins de Fascia Silvano Ploner.

L'assessor Chiocchetti a palesà l'entendiment de smaorèr l'atenzion

particolèra resservèda ai projec de comunicazion, valorisèr la scomenzadives en materia de trasmissions radiotelevisives e neves media, didèr e sostegnir duta chela scomenzadives outes a ge dèr maor forza a la colaborazion anter la valèdes ladines de la provincies de Trent e Busan. La direzion tutta da Luigi Chiocchetti l'é chela de miorer la comunicazion e la parbuda de la mendranzes medemes ti confronc de la comunanza autonoma del Trentin Sudtirolo. "La creazion de na rei anter la mendranzes regionèles e cheles europeènes - l'à dit Chiocchetti - fossa n vèrech inant emportant envers la realisazion di prinzipies de stravardament de la popolazions de mendranza del veie continent al daite del Tratat de

Lisbona. Semper dal l'Europa, l'2012 l'é stat cernù desche an de "l'invecchiamento" atif e del scambie intergenerazionèl. Per chest ladins, moche e cimbres é envié a pissèr projec che va te chesta direzion.

Sun chest la Procuradora a sobito palesà na gran gaissa: "Chest envit l'olon sù dassen bolintiera - l'à dit - ence percheche te Fascia aon pissà al 2012 desche an dedicà a la formazion di joegn".

"Del 2011 - à dit amò Chiocchetti - la Region Trentin-Sudtirolo à finanzià 25 scomenzadives culturèles te Fascia: n empegn emportant fat béleche dut de voluntariat e che donca rapresenta n segn de gaissa per la comunanza. Ades ampò l'é debeseegn de n maor coordinament ti projec, acioche la fadies no les vegne petèdes jù da n numer mender de ressors per contentèr duc".

La volontà tel jir inant de chest vers la é stata palesèda ence da l'assessor Renzo Valentini che l'à arsegurà l'empegn del CGE.

Tinùlta da pèrt di rapresentanc ladins l'é ruà l'envit a l'assessor Chiocchetti per se fèr portaousc te la Lia di Comuns per aer na maora colaborazion, percheche no la vegne a mènch chela spenta interladina che da semper ge vel per jir inant a conscidrèr i ladins dolomitics desche n popul soul eneben che sparti anter doi regions e trei provincies.

Esser protagoniste te la vita publica

N bel grop de femene de Fascia e Fiem a tout part al seminarie de formazion per le enciarie amministrative

Ai 15 e ai 16 de otober l'é stat a Comano Terme l'esto "Seminario residenziale" de formazion, per dute le femene che le é ruade te le amministrazion del Trentin.

Ence n bel grop de femene de la Val de Fascia e Fiem a volù tor part a chesta esperienza de crescimonja, determinada dal confront con jent neva, esprescion de desvalive realtà.

Te la giornada de sabeda, te desvalives gropes, se à descori de l'importanza de far rei te anter le femene e de co sensibilisar e slariar fora informazion sun tematiche che revarda le oportunità pervalve.

Da le discusion, olache ogne femena portava enavant soa

esperienza, l'é vegnù fora coche l "genere femminile" l'fae fadia a se far valer delaite de n ambient béleche semper masculin; olache la femena no la vegn conscidrada en maniera autoritaria.

Se noi vardon le realtà de nosce amministrazion l'é pec i posé olache ge vegn dat sù a le femene enciarie te ciampes tecniches, i assessorac che tol sù le femene l'é béleche semper, ence se trop emportanc, la cultura e le politiche soziale. Perché pa la femena no éla a l'autoza?

Le femene che é te la politica defati, le fasc l dopie de fadia respet ai omegn, ajache le cogn enseghit

desmostrar de esser bone de far so lurger e de esser semper enjgnade.

L'é proprio per chest che l'é útil far rei te anter le femene. Se se empara a divider le malsegureze e i dubies doventa dut più sorì, descheche se disc "L'union fasc la forza!"

Le desferenze che vegn fate anter i doi "generi" l'é n valch che à metù reisc te noscia cultura, perché che jà dai prumes livie de formazion se ge ensega ai picoi a na gran distinzion anter chel che l'é esser om e esser femena, crean coscita modie culturai. Chesta l'é na problematica de "genere" che se desferenza tel ses che, enveze, l'é biologicamente jà determinà.

Se sà che jir a tociar la basa de n model cultural l'é na endesfida no da pech, ma chisc momenc de dividijon dasc na gran gaissa per scomenzar via.

La noscia l'é stat na beliscima esperienza, aon cognosciù jent neva e anter de noi de le Val de Fascia e Fiem se à renforzà amò de più l'leam de stima e amicizia, per portar inant e realisar projec dute ensema.

Develpai Cristina, Ilaria, Lucia, Paola, Renata, Lara e Giuseppina per chisc doi dis passé ensema, con l'augurie de se troar amò!



Le aministadore de Fascia che à tout part al seminarie a Comano.

Martina e Manuela

Te Gherdena la ferata: e te Fascia?

L'president de Transdolomites Massimo Girardi envia i amministradores a se cruzièr ence de la mobilità sun scines



Te Gherdena i peissa de meter endò a jir la ferata, descheche l'era n'outa.

Mobilità - Chisc dis passé l'é vegnù fora sul sfoi Alto Adige n articol che reiona de trasport sun scines e di intendimenc de la Val Gherdena. A chest propojit Massimo Girardi, president de la sociazion Transdolomites, à fat vèlch osservazion.

"I amministradores de Gherdena - scif Girardi - i è dò che i se mef per meter endò sù la linea de la veia ferata tutta jù ti prumes egn '70. L'percors l'é stat metù tel Masterplan elaborà da l'Academia Europea de Busan e Provincia e dai cinch comuns enteressé (Ortisei, Selva, Senta Crestina, Ciastelrot e Laion). Ferata che vegn conscidrèda na priorità per i besegnes di sentadins e di ghesc percheche te Gherdena la convinzion l'é che la ferata sie l'davegnir de la mobilità soraldut te na val longia e stenta. N'opera che nesciugn scon che la costassa n muie ma che se tratassa de n investment che paa la speisa fèr e jà i peissa a tor ite i privac per binèr sù i scioldi.

Ma la vijion de Gherdena no se ferma chiò. L'ombolt de Senta Crestina à ence dit che ge volarà fèr n coleament co la Val Badia e co la Val de Fascia con n tunel sot l'Sela.

L'é egn oramai che Transdolomites propon convegn sun la mobilità e sul trasport sun scines e de spes l'é stat dit de stèr ascorc percheche l'mond dintornvia scouta e chel che per la valèdes de la Veisc vegn vedù demò desche teoria o utopia, per chi che aon vejìn somea la soluzion di problemes.

Enscin ades duc i ombolc de Fascia e Cembra no se à amò palesà sul projet de Transdolomites. Te Fiem e Cembra la sociazion à abù

che se cognarà spetèr l'2030 per pissèr de esser competitives turisticamente del 2040 e magari enlouta se n ascorjer che endèna la circonvallazions no respon più ai reèi besegnes de la val.

Chesta vida de amistrèr vel dir renunzièr a se cruzièr di problemes reèi di sentadins, seghitèr a desciairèr su la families e la firmes i cosc semper maores de la mobilità e donca aer na val semper manco competitiva. Chel de la mobilità e de l'energia l'é la endesfides che in primis Fascia cogn se tor dant con determinazion percheche chisc l'é i gregn problemes, e no capir se Moena l'é o manco tera ladina, opura pissèr al confalon del Comun general.

Tinùlta mie pensier va amò n'outa a la Marcialonga - scif amò Girardi. Enveze che pissèr sora a la oportunitèdes che ge portassa a la Marcialonga n servije sun scines dedicà a chela manifestazion, se doura la Marcialonga per boicotèr l'davegnir de la valèdes de Fascia e Fiem desche se chesta fossa la priorità. Enveze la priorità de chesta comunitàdes l'é i trasporc per 365 dis a l'an e no na manifestazion sportiva che dura na di.

Ai sentadins de chesta valèdes ge die che se dalbon i cree che la ferata posse esser l'davegnir de noscia valèdes, i vae ti comuns a sotescriver la petizion per la ferata de la Veisc. E a la categories economiches fortes de noscia valèdes e de la provincia che spartesc chesta prospetiva, ge die che l'é ora de se descèder e de uzèr la ousc. No stajè sun fenestra a spetèr che n grop de sentadins che à gaissa e estro de fèr, i ressolve i problemes che i é de duc."

Gardena, tre progetti per il trenino

Il tracciato sarà inserito nel Masterplan: i costi vanno da 160 a 500 milioni

di Massimiliano Bona

Comuni interessati (Ortisei, Selva, Santa Cristina, Ciastelrot e Laion) dovrebbero approvare l'investimento documentato in un'unica seduta. Ci crediamo, occorre. Non al tratto, o no? Ma i comuni, se non si uniscono, non si può fare nulla. Il problema è il tempo. In un unico tempo dovremmo decidere necessariamente le candidate anche i collegamenti con Cortina e Canazei. I costi non sono trascurabili, ma non ritengo si tratti di un problema insormontabile. Nel frattempo - non appena la Provincia approverà una norma che attribuisce valore sovramunicipale al Masterplan - dovremo fare un lavoro di studio per il tratto da Cortina a Canazei. Dopo la guerra il treno passò alle ferrovie italiane, che lo gestirono fino al 1960.

na, di più completo - spiega il sindaco di Senta Crestina, Eugenio Hoffer - è forse quello della Lia di Comuni. Facciamo che preveda la partenza a Plan e l'arrivo a Fiem. Gardena, poi, è quello dell'architetto Thomas Demitz

con tanto intermedio a Canazei. Stasi e Pini e infine quello di Massimo Girardi, per primo invece a fare l'investimento il tratto tra Plan e Fiem. Bisogna perché questi siano ipotesi realistiche, perché non risolvono il problema. In un unico tempo dovremmo decidere necessariamente le candidate anche i collegamenti con Cortina e Canazei. I costi non sono trascurabili, ma non ritengo si tratti di un problema insormontabile. Nel frattempo - non appena la Provincia approverà una norma che attribuisce valore sovramunicipale al Masterplan - dovremo fare un lavoro di studio per il tratto da Cortina a Canazei. Dopo la guerra il treno passò alle ferrovie italiane, che lo gestirono fino al 1960.

Hoffer: «A lungo termine servirà il collegamento con Cortina e Canazei»

Il tracciato è in costruzione dagli austriaci per portare materiale al fronte nella Val di Fiem. Dopo la guerra il treno passò alle ferrovie italiane, che lo gestirono fino al 1960.

L'articol che à soscedà la osservazioni del president de Transdolomites Massimo Girardi.